

áhaś ca kṛṣṇám (ṚV 6. 9.)

áhaś ca kṛṣṇám áhar árjunam ca  
ví vartete rájasī vediyābhiḥ |  
vaiśvānaró jāyamāno ná rājā  
ávātiraj jyótiṣāgnís támāṃsi || 1.

nāhám tántuṃ ná ví jānāmi ótuṃ  
ná yám váyanti samaré 'tamānāḥ |  
kásya svit putrá ihá váktuvāni  
paró vadāti ávareṇa pitrá || 2.

sá ít tántuṃ sá ví jānāti ótuṃ  
sá váktuvāni ṛtuthá vadāti |  
yá īṃ cíketad amṛtasya gopā  
avás cáran paró anyéna páśyan || 3.

ayám hótā prathamāḥ páśyatemám  
idám jyótir amṛtam mártiyeṣu |  
ayám sá jajñe dhruvá á níṣatto  
ámartiyas tanúvā vārdhamānaḥ || 4.

dhruvám jyótir níhitam dṛśáye kám  
máno jáviṣṭham patáyatsu antáḥ |  
vísve devāḥ sámanasaḥ sáketā  
ékaṃ krátum abhí ví yanti sādhu || 5.

ví me kárṇā patayato ví cákṣur  
vīdám jyótir hṛdaya āhitam yát |  
ví me mánaś carati dūrāādhīḥ  
kím svid vakṣyāmi kím u nú maniṣye || 6.

vísve devā anamasyan bhiyānās  
tuvám agne támasi tashivāṃsam |  
vaiśvānaré avatu ūtáye no  
ámartiyo avatu ūtáye naḥ || 7.